

SAN JUAN KARTA E'STEWE'SX

*Dxus we'weni isasa's jiisa' peeygāawa'ja's
ji'phu'tx*

¹ Naa karta's fxi'jsa' na'wē thē'j jīna kx-susu'tx txāath fxi'ja', pe'sx Dxus txhitxhnisa vxite' i'kwe luuçtxxi. Adxa' txāawe'sxtxi' isa peeygāayuju'th. Aça' adxçxáa txā'wē yu'çmeeth. Dxus we'weni isasa's jiyusa yu' jxukaysatx txā'wē peeygāja'.

² Dxus we'weni isasa' kwe'sx yakh nesku yu', sa' багаçxtewa kwe'sx ũuste nes yuuna. Txā'wē Dxus we'weni isasa's ũuste ji'phçxath i'kwe'sxtxi peeygāja'.

³ Kwe'sx Tata vxite' txajx nçxi'k Jesukristo txāa e'zsa wala peeygāhçxa i'kwe'sxtxi pu'çxhitxna ewçxáa fxi'zekahn.

⁴ Txā'wē luuçx maaí yu' Dxus kwe'sx Tata jxkaahni's kxtey nwēese'jna fxi'zena ũuste uyçxa' wala weçxa'th.

⁵ Sa' āçxha', pe'sx, mpa'yajkxwe, puutx ya'peeygāhna fxi'zewa'ja's neewe'weçthu. Na'wē fxi'jni' u'se jxkaahnisame'. Nyafxíi jiyutha'w txāaíçxá'.

⁶ Dxus jxkaahnitxi' kxtey nwēese'jna fxi'zete', puutx ya'peeygāhna fxi'zewa'j kasejena. I'kwe'sxa' nyafxíi iiwēse'jyā'ji'kwe Dxus jxkaahnitxi' txā' puutx ya'peeygāhna fxi'zewa'ja'.

Īsxiina u'jusa

⁷ Naa kiwete Īsxiisa wala kuh kasehçxa u'juta'. Txãawe'sxa' Dxus Nçxi'k Jesukristo' kwe'sx na'wëy nasaa yuuçxak vxyaa jĩ'çmeeta'. Txã'wë we'wesa' Īsxiisa yuuna, sa' Kristo's açesaçxa txã'wë yuuna.

⁸ Txãa pa'ga i'kwe'sxa' mpa'yajkxwe, Dxus yakh fxi'zepa'ga cielute dukhwa'ja's ivxiitumée, wejxwa makwetewa jxuka jxpa'gawa'ja'sçxáa myajkxwe.

⁹ Kristo ma'wë kaapiya'the' maawa txã'wëy kaapiya'jsame' Dxus yakh fxi'zesameeçxa txã'wë yuuna. Nawa Kristo kaapiya'jniçxá's nwëese'jna fxi'zesa', Dxus yakh fxi'zesaçxa txã'wë yuuna, sa' Dxus Nçxi'k yakhwa txã'wëy fxi'zesa yuuna.

¹⁰ Txã'wë maawa i'kwe'sx yat-su pa'jçxawa Kristo kaapiya'jni'sçxáa pta'sxsame's weçxana jxpa'ganuwe.

¹¹ Txã'wë weçx u'jwe'ga jĩna txãawe'stxxi jxpa'gasa' ewmée yũuya' pu'çxsa yuuna.

Pablo yuu puutx uyya' u'jya' yaakxni

¹² I'kwe'stxxi wala we'wewa'j ji'pthu, nawa eçte txã'wë we'wena fxi'jya'wameeth. Adx yuu peekx yujxa'wath i'kwe'sx yakh teeçxsa na'wëçxah puutx uyya', sa' puutx uyçxa' jxukaysa weçxweçxa yaaki'nja'w.

¹³ I'kwe yakthë'jwa Dxus txhitxhnisa' açá' txajx luuçxa' yuwe weçxaa kaja'tx. Txã'wëçxáa fxi'jaçthu.

Dyus Yuwe U'sesa
Páez: Dyus Yuwe U'sesa New Testament

copyright © 2011 Wycliffe Bible Translators, Inc.

Language: (Páez)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

06da09f4-8d0f-5001-ae8c-0e6aa0131ffd